



DEFENSORÍA DEL PUEBLO
ESTADO PLURINACIONAL DE BOLIVIA

DECLARACIÓN UNIVERSAL DE DERECHOS HUMANOS

TACANA



TODAS Y TODOS SOMOS
DEFENSORES DEL PUEBLO

DECLARACIÓN UNIVERSAL DE LOS DERECHOS HUMANOS

TACANA



DEFENSORÍA DEL PUEBLO
ESTADO PLURINACIONAL DE BOLIVIA



DECLARACIÓN UNIVERSAL DE DERECHOS HUMANOS

Producido por: Defensoría del Pueblo
Depósito Legal: 4 - 2 - 97 - 08 P.O.
Diseño: Edwin Cusicanqui L.
Impresión: Impresiones Gráficas "VIRGO"

Segunda Edición, 2.000 ejemplares
La Paz, julio de 2009

Proyecto de Traducción de la Declaración Universal de los Derechos Humanos
a Lenguas Nativas.

- Alto Comisionado de las Naciones Unidas para los Derechos Humanos
 - Programa de las Naciones Unidas para el Desarrollo
- Oficina del Coordinador Residente del Sistema de las Naciones Unidas
 - PRODUCCIÓN U.C.B./SECRAD
(Servicio de Capacitación en Radio y Televisión para el Desarrollo)

DIRECCIÓN GENERAL
Lic. José Luis Aguirre Alvis

FACILITADORES DE LOS TALLERES DE TRADUCCIÓN
Lic. Mónica Sahonero
Lic. Carlos Sotomayor

2001 U. C. B./SECRAD, Bolivia
webmaster@pnud.bo





Artículo 1

Beju pamapa cristianu cuana d'ei ai papu yapuji, mesa cuara peje jenetia ecuinanani jenetia beju saida bataji tupu pai cama.

Artículo 2

Pamapa yahue beju d'eisu aicuana ya puji, saida ye ai cuana ecuana quisa epuani cuana. Mique yana aimue emimiani su.

Ai mue ahua pasada, ahua dhabida epupui mahue, tupu pai saida bataji.

Emá nime papibati papusu miame.

Ami que aimue ai religion yanisu.

Ahua puri, ahua chipituji mida puque su biame tueda tupupai. Ahua aimue jude pai papusu biame.

Artículo 3

Beju mida d'eisu eni eni.

Artículo 4

Jiahue tiempo aimahue beju esclavitud. Jiahue mu ai mahue pia cristianu eiru puji mahue, tueda mu cua ataji mahue.

Artículo 5

Ni quebata neje biame madhada neje ebati puji mahue, ni cuaja neda neda yapuji mahue.

Artículo 6

Pamapa ecuana sa derechu yani queje papu biame, beju etsesa ebani cuana yani quirica cuanaje.

Artículo 7

Jacuatsasiati cuana pamapasapuji, tueda jacuatsasiati cuana ataji ecuanasa cumpli jei ataji puji.





Artículo 8

Juacuatsasiati cuana aimahue cumpli yatani hue cuana mahue su huaraji cuana peje su putitaji.

Artículo 9

Mi quebata biamejubida neje ejusia cuina puji mahue, ni presu yapuji, ni ejusiacuina puji.

Artículo 10

Ai madhada cuana su pia cuana butsesu etsesa castiga taji. Pamapa ai madhada cuana butsepineje castiga taji.

Artículo 11

Queba cristianu ai madhada epuani su, da ura su castiga taji mahue, mesa testigo epue teje, huaraji cuana sa jacuatsasiati daja epuani putsu.

Ni quebata biame aimadhada da ura epuani su cuaja ya pui mahue.

Quebata ai madhada huaichidi epuani su da ura su castigo aida neje castiga taji mahue.

Artículo 12

Ni quebata biame etsesa ai cuana quitaita su, enubi puji mahue, ni etsesa familia su, ni etsesa ete su, ni etsesa ai quirica su, ni etsesa ebani su, ni etsesa piaja ebani ejemit-suata puji.

Pamapa cristianu cuana jacuatsasiati cuana ja ebianeti-atani.

Artículo 13

Pamapa cristianu ecuana beju d'ei quepia papu biame eputi puji, ahuyaniti puji, etsesa ejude yahua su.

Beju etse d'ei pia ejude estranjeru su eputi puji ahua neicha hue etsesa ejude su esiapati puji.





Artículo 14

A mi quebata cua madhada yatani su pia ejude estranjeru su putique etsa huata puji. Mida pierde epuani mique derechu ami tsi puitia, ahua aidhe manuameitiasu, beju miada quitaita ye dherejiji cuana aimue mi erespetu nia mahue.

Artículo 15

Pamapa cristianu mesa derechu yani tusa ejude su. Cua nahue tai mahue tusa ejude pia cuana, ni pia ejude neje eturuca tiani su.

Artículo 16

Beju mida buxseji tiempu epuani su, miqueda pamapa derechu yani, miquefamilia yati puji. Da puji muda, ni dhabida, ni pasada, ahuaquepia uqueda jenetia papubiame beju saida.

Deja epuna igual metse sa derechu yani, jubida neje cua butse netaji mahue. Etsesa ejude echua puji ja, beju etsesa familia su etsahuata.

Artículo 17

Pamapa cristianu cuana mesa derechu yani ai pamapa ai cuana mesa yani pamapa tupupai neje.

Ni aya biame etse me nahue tacua etsesa ai ecuanasa ai cuana su.

Artículo 18

Miqueda d'ei yani quebata religion tsada edhare puji, ni mique religion eturuca puji, mique tsada nime aque, ni mehua, ahua pia neje.

Artículo 19

Miqueda pamapa derechu yani, mique pibapiba tsada cuana su, mique tsada cuana bahui, ni aya biame me nahue tacua.





Mique piba cuana pia cuana neje, ja tsahua tique, ya rijimahue.

Artículo 20

Pamapa cristianu cuana mesa déi yanipia cuana neje edutipuji ai quisa cuana epu puji ahua ai agrupacion cuana di. Ai mudu cuana su jubidaneje nubiamе taji mahue.

Artículo 21

Pamapa cristianu cuana mesa derechuyani ecuanasa ejude echua puji peje su, ema dharejiji echua puji, ahua dharejiji huaraji cuana neje. Pamapa cristianu cuana mesa derechu yani ecuanasa echua pujisa huaraji epu puji.

Pamapa ejude sa jacuatsasiati cuana quisa epuani pamapa yahuaje.

Artículo 22

Etse naja je aniji cuanaja etse tsahua taji yatani pamapa ai saida mudu ai cuana ya puji, ahua chipiluji, ahuna etsesa yana su, tueda jatsahuati cuana beju saida.

Artículo 23

Miqueda d'eiyaní mudu cuana puji.

- Mique piba mudu cuana edharepuji.
- Etsesa mudu cuana saida chujetiajiji putaji.
- Etsesa familia cuana sa tupu epu puji.
- Daja da emudu mudu amitse, daja hueicha echuje tupu pai putaji. Pamapa mudu puji cuana, jadunetitaji epuani ai madhada cuana ebianeti puji.

Artículo 24

Mudu tsine cuana bauda putaji mahue, ura neje beju janahua metaji.





Artículo 25

Pamapa familia cuana sapuji ai cuana tsada.

- ai neda cuana jenetia ebianetia puji
- angua diadiaja papu mahue
- daja huecha hiname papu mahue puji
- beju saida eteji papu.

Epuna mabe ahua cuinaji yanana tueda tsahuataji beju.

Epuna janana, deja janana tupupai metsesa derechu yani, dajada epuna ahue mahue di.

Artículo 26

Mi queda derechu yani abahuetsuatipuji.

- beju escuela su eputipuji, chuje mahue putaji.
- Ai quirica saida cuana jabahuetsuatique, mique tupu teje ai cuana ja bahue tsuatique.
- Mique echua jenetia ai saida cuana ya puji pacuinana, ni quebata religion echama puji, ahua jude paicuana echama puji mahue.

- Beju etsesa yanana cuana ai cuana ebahue tsuatani hue-cuana mesa d'ei yani.

Artículo 27

- Ahua artista, ahuadherebahue eni saida, ahua bahueeni daja pamapa neje jadutique d'eisu putsu pamapa mudu su y pamapa neje ai saida cuana ajiji putsu.

- Mique mudu bianetiajiji putaji, beju aprovecha ataji da cuana.

Artículo 28

Pamapa mecuanasa derechu cuana yanijude pai cuana neje saida cumpli epuani putsu.

Artículo 29

- Mida beju bahue eni minajaje aniji cuana sa puji, tuneda mi etsahua tani putsu.

- Jacuatsasiati cuana ja aimahue etse d'ei eme nahuetani mahue, beju etse d'ei yame tani pia cuana saida eba puji.





Artículo 30

Pamapa yahua je ye cuana aimahue ejusiderata mahue ai madhada cuana jentia, daja quisa epuani ye quirica ecua-na emimiameinia jahuequita.



DEFENSORÍA DEL PUEBLO
ESTADO PLURINACIONAL DE BOLIVIA

DECLARACIÓN UNIVERSAL DE DERECHOS HUMANOS

TODAS Y TODOS SOMOS
DEFENSORES DEL PUEBLO

